

Prome Aruba Summer School :

Conclusion cu colaboracion concreto entre TNO Caribbean, Arizona State University y Universidad di Aruba



ORANJESTAD - For di centronan pa busnan carga bateria, te na reduccion consciente den uzo di energia por yuda Aruba logra su obhetivo pa ta independiente di fuentenan di energia convencional pa 2020. Pero e lo tuma hopi esfuerso y tambe conscientisacion. Esaki ta algun di e conclusionnan di e prome grupo di estudiante cu a participa na 'Aruba Sustainable Island Solutions Summer School.

Manera Bon Dia Aruba a publica prome, 14 estudiante cu a bin di afo pa haci un estudio pa dos siman largo. E hobennan durante e proceso a haci un investigacion di tur e proyectonan cu ta tuma luga durante aña na Aruba. Pues nan a tuma nota di e proyectonan cu a pasa y ainda ta pasando actualmente. Asina nan a sinta pensa hunto kico tur alternativa ainda por bin ainda. Tambe nan a analisa e parti social di tur e proyectonan pues con hendenan ta wordo invita pa participa. Ta studiantenan cu a bin Aruba for di Arizona State University, ASU, y University of West Indies, UWI, pa haci investigacion pa dos siman largo. E studiantenan tabata bou guia di Profesor Nathan Johnson di ASU y pa dos siman a bishita instancianan, a tene entrevistanan y a participa na presentacionnan di parti di diferente actor na Aruba y docentenan di Universidad di Aruba, UA.

E programa

Manera ya ta conoci, e prome Aruba Summer School ta un proyecto di TNO Caribbean y a keda realisa cu sosten di su partnernan, ASU y UA. A cera e programa cu un simposio organisa pa TNO Caribbean na UA. Minister di Educacion Michelle Hooy-



boer Winklaar a habri e sesion y a lansa un reto na TNO Caribbean y UA, esta pa crea condicionnan bou cua studiantenan cu sali for di klas, busca solucionnan y bin cu innovacion cu despues por yuda nan bira empresario nan mes. Ruurd Schoolderman di TNO Caribbean a bisa cu Aruba ta forma un bon base pa studia retonan cu ta bin dilanti ora cu ta trata di asuntonan di sostenibilidad. E 'Summer School,' un iniciativa di colaboracion entre TNO Caribbean, ASU y UA tabata perfecto pa duna studiantenan e oportunidad pa analisa proyectonan y procesonan, riba un escenario di un isla chikito, cu ta permiti compronde miho con por traduci solucionnan di un contexto grandi pa solucionnan di isla. "Sostenibilidad ta rekeri solucionnan cu ta localmente apropia," Schoolderman a splica, agregando cu elementonan di sociedad y economia mester keda inclui den tur consideracion. Y esaki ta locual e prome Aruba Summer School a trata di logra.

Cla pa comparti

"Pero, e ta tambe pa traha relacionnan, mirando cu sostenibilidad ta mishi tur aspecto di sociedad." Como tal, pa por logra sostenibilidad, sectornan industrial, di gobierno y educacion mester bini hunto y traha u otro. "E ta pa traha rednan, con pa siña di e miho practicanan cu ta tumando luga den region." E hecho cu e prome Aruba Summer School a logra atrae studiantenan di UWI ta indica cu nan ta cla pa comparti nan conocimiento cu Aruba y vice versa. E studiantenan aki tambe lo hiba nan experiencia di Aruba na nan respectivo islanan. Y, Schoolderman a bisa tambe cu e deseo di Minister Hooyboer pa permiti studiantenan



cion. Segun Patrick Arens, Director Financiero di UA, e Aruba Summer School ta parti di e mision y strategia di e institucion pa desaroya un red internacional fuerte di partnernan internacional. UA ya caba a huesped studiantenan di University College Utrecht kendenan a pasa

tres luna na Aruba pa haci investigacion y avor por mira atras na un programa exitoso di e prome Aruba Summer School, cu participacion di studiantenan di ASU y UWI cu a atende lecturanan y a siña mas di e esfuersonan di Aruba pa logra su obhetivo di sostenibilidad. □